

IN LAVDEM ²⁴¹²
LACRYMARVM
PANEGYRICVS

Habitus

A IO. BAPTISTA RAGGIO GENVEN.

Sem. Rom. Conuict.

IN ROMANO COLLEGIO SOC. IESV.



R O MÆ,

Ex Typographia Ludouici Grignani i M. DC. XXXIV.

SVPERIORVM PERMISSV.

LACRYMARVM

TANEGYRICVS

Epigram

A IO. BAPTISTA RAGGIO GRINVEN.

Scilicet R. O. C. C. C. C.

IN ROMANO COLLEGIO SOC. TESTA.



R. O. C. C. C.

IN ROMANO COLLEGIO SOC. TESTA.

IN ROMANO COLLEGIO SOC. TESTA.

D E
RADIO LACRYMOSO,
E T
LACRYMIS RADIOSIS,
EPIGRAM. N.N.



S I radij vultus oculi sunt : Lacryma quid ni
 Quæ fluit ex oculo , fluxerit è RADIO ?
 Dant Lacrymas radiosa poli quoque lumina : quando
 Contristat frontem Delius ipse suam .
 Sed Coeli Lacrymæ Terræ sunt semina risus ;
 Astra soli redolent : ætheris astra dolent .
 Floruit in risum RADII sic Lacryma nostri ;
 Planctum credideras surgere ? plausus erat !
 Lac animæ Lacrymas , teneriq. alimenta doloris
 Dum pupilla parit , facta papilla premit .
 O Lacrymæ , ò risus , ò pabula , dulce futurum est
 Vivendo Lacrymari , & Lacrymando mori .
 Dum radii Lacrymæ , & RADIVS Lacrymatur : an instat
 Splendidum in immenso lumine naufragium .

PANEGRICVS.



ENIM verò salubri consilio Christiani legislatores Imperij decreuerunt (Auditores) vt verni tēporis redeunte, ac radiante lætitia, dum Cælum, & terra quodammodo ridet communis luctus, ac dolor ab hominibus renouetur. Scilicet ad risum, & gaudium nimis prona mortalitas, tunc præcipuè debuit ad lūgendum impelli, cum adest illecebra quædam maior, & potentior suadela ridendi. Naturæ aduersariam semper, & victricem exhibet sese cœlestis gratia; dumq. illa effusè lætatur renascentem quodammodo vitam corporum, hæc vbertim deflet mortem animorum. An potius æquifimum esse dicam, vt quot tēpore nouæ trūduntur è vitis palmitibus gēmx suas quoque humanus oculus gemmas emittat; dum mitioris tempore solis resolutæ niues tabescūt, etiam humani cordis glacies doloris æstu tepasacta in Lacrymas eliquetur; dum auiculæ antea taciturnæ in syluis dulciter gemere incipiunt, homines quoque è lethali silentio in salutares gemitus, & la-

menta prorumpant. Dum terra tempestivo rigata rore flores fundit, ac nutrit, mortalium animus rorulento fletu profusus in omnem virtutū colorem reflorescat. Si demum ver assiduis imbribus madere conuenit, quidni coelestibus cū imbribus, Lacrymæ terrestres nepe pluuiæ coniungantur? quo igitur tempore Lacrymæ, aut regnant, aut in amissum Cœli regnum nos felicissime restituant, æquum profecto sit Lacrymis ipsis splendidum Panegyricum dicere, earumq, in humanam vitam beneficia largè, vt Lacrymarum vbertatem decet, dilaudare.

De hominum vita Lacrymas optimè mereri inde primum constat, quòd nobis in ipso vitæ limine omni alio subsidio destitutis aduersus omnes iniurias fletus ipse pro munimento est. Nec alio ferè viatico instructi vitam hanc, aut potius viam ad mortem ingredimur, quam liquido, vt ita dicam, argento, & quasi numeratis nummulis Lacrymarū. Quod si nutricis lac statim in pròptu non esset ad tenerrimæ ætatis alimentū, ipsæ, credo, Lacrymæ lactis vices obirent, atque ad alendam vitam ab oculis, tanquam ab vberibus in infantium ora profluerent. Vnus ex omni memoria Zoroastes Bactrianorum Rex primā vitæ diem non à Lacrymis, sed à risu est auspicatus. Fleuisset ille, non risisset miserrimæ vitæ primordia, si constantiori cerebro à Natura instructus

in lucem prodijisset. At huic infanti cerebrum
adeo instabile, infirmumque fuisse ferunt, ut palpi-²⁴⁵
taret semper, ad motumque capiti manū vehementi
agitatione foras etiam prorumpente repelleret.
Quid ergo mirum sit, si vix natus risum in ore
non continuit, qui cerebrum ipsum in capite con-
tinere vix potuit? An potius verā daturus Tra-
gēdiam regalis histrio a risu coepit, ut tandem in
Lacrymas desineret; vel in bello cæsus, vel ful-
mine consumptus, hoc est eodem semper Machi-
nam, ut tragedum insignem decuit, vitali nodo
resolutus. Neque verò ætatibus reliquis minus
quam infantie fidelem operam Lacrymæ præ-
stant. Bonæ scilicet comites toto vitæ decursu
ipsæ quoque quoties opus est ex oculis decur-
runt, & quidem ex amicitiæ legibus in utrāque
paratæ fortunā, nempe tum ad doloris leuamen-
tum, tum ad gaudij condimentum. Ut dubitari
possit mœroris ne potius, an lætitiæ filia Lacry-
mæ nuncupanda sint; sanè prodigio similis res
ista videtur, quod videlicet cum animus gaudio
diffluit, hoc est cum maxime fluit, ac serenum
est mentis Cœlū, densus ex oculis imber exoria-
tur; quod Roscidus Lacrymarum humor non
tantum in media doloris nocte, verum etiam in
ipso lætitiæ meridie in sinum cadat; quod turbu-
lenta fletus tempestate lactetur animus, cum iam
in portu est gaudiorū; quod voluptatis dulcedo,

748
Lacrymarum amaritudine repleta magis, magisq. dulcescat; quòd in vno eodemq. vultu simul, & Lacrymæ rideant, & risus Lacrymetur. Quamquam quid miramur Lacrymas è gaudio nasci, cum ipsum quoque mœrorem in gaudium commutare consueuerint. An non verissimè cecinit ille.

Est quedam flere voluptas.

præsertim, vt Plinij Consulis Oraculum adscribam, si in Amici sinu defleas, apud quem Lacrymis tuis, vel laus sit parata, vel venia. O Lacrymas, ò nectar suauissimum oculorum, ò mellea dolentium solatia, ò mœroris dulce naufragium, ò gratum ærumnoso cordi diluuium, quo angores tantùm, & curæ feliciter demerguntur. Quid solertes naturalium prodigiorum indagatores commemorât fontem illum apud Troglodytas solis nomine illustrem, aquis intempesta nocte amaris, meridie dulcibus manantem?

Fontem ego admiror Lacrymarum nobiliori miraculo vno eodemq. tempore amarum simul, ac dulcem, imò dulcedinem ab ipsa amaritie trahentem. Neque solis nomen quisquam denegauerit huic fonti, qui non vno tantùm à sole, sed duobus ab oculis duobus velut à solibus originem ducit.

Sed parum egisset Natura, si Lacrymas voluptatis tantùm illecebras esse voluisset; maius, ac

præ-

præstantius beneficium à fletu in nos redundat. 246
Nempè honoris argumenta, & gloriæ testimo-
nia certissima Lacrymæ sunt. Quid enim cōtin-
gere potest homini gloriosius, quam vt siuè in-
tēpestiua, siuè matura mors eum abstulerit, vber-
rimis omnium Lacrymis lugeatur? Speciosum
sepulchrum illud meritò dixeris, quòd non tam
pretiosis lapidum crustis, quàm copiosis Lacry-
marum gemmis decoratur. Funeris pompa lu-
culentius à suspirijs, ac fletibus, quam à tēdis, ac
facibus exardescit. Quam incertus virtutis in-
dex est plausus viuenti datus, tam certum glorię
monumentum est planctus, cum mortuo exhi-
betur. Lacrymæ quem dolent mortuum, aut de-
clarāt, aut efficiunt immortalem. Titum Vespasi-
anum extinctū Roma amarissimè fleuit. Nun-
quā certiùs eum delicias humani generis fuisse
declarauit, quam cum in eius tumulum Lacry-
mas, hoc est mœsti cordis delicias abundè con-
gessit. Germanicū Cēsarem non modo Romani
Ciues, sed etiam Barbari Reges, & implacabiles
hostes complorarunt. Mirum sanè: quorum ille
uiuens sanguinem in bello haurire optauerat, hi
ei mortuo Lacrymas, hoc est sanguinem, qui in
pace funditur, spontè obtulerunt. Phætontis, vt
Fabulæ narrant, sepulchrū, quid nobilitauit ma-
gis quā sororū Lacrymæ, quæ in electra cōuerlæ
sunt, vt indè constaret, quā splendidè funeratus

fuerint pretiosæ. Carthaginis euerſæ cineres, & inſepultam ſepulturam euerſor ipſe Africanus Scipio collacrimauit. Quanta fuerit Carthago, dum floruit, luculentius hiſce Lacrymis Scipio, quam aut atramento Liuius, aut hoſtili ſanguine Annibal exarauit. Amorem verò non erga deſunctos tantum, ſed in viuentes adhuc amicos, quæ vultus notæ teſtantur euidentius, quam Lacrymæ? Amantium oculos imbriferos eſſe Græcus Poeta lepidè pronunciauit. Hoc imbræ Amor ipſe pluuius ex oculorū chriſtallino Cœlo non in telluris, ſed in amici ſinum, & cor ſeſe profudit. In humano corpore duplex oculis munus natura impertiuit videndi alterum, alterum Lacrymādi. Amor vno priuatus munere, nempe quia cæcus vim oculorū omnē in fletū conuertit.

Alienas calamitates Amor nō alijs videt oculis, quam Lacrymis. Iure meritò eum amare negaueris, qui ad ſua commoda curanda Tyreſiæ ſimilis non fuerit, ad aliorum mala Lacrymāda Argo oculatiorē ſeſe non exhibuerit. Accipite iam grandius Lacrymarum decus, & præclariùs in humanā vitam proſectum à luſtu emolumentum. Lacrymæ, quis crederet? Sapientiæ miniſtræ ne dicam an magiſtræ optimæ ſunt. Hæc aqua ſub dominatu eſt, non Neptuni, ſed Mineruæ. Teſtor Dionis vocem illam Oraculo parem;

La-

24)

Lacrymis, inquit, vt plurimum bona aliqua doctrina coniungitur. An non bona doctrina est, quæ vitæ citò fugientis breuitatem assidue in memoriam reuocat? Reuocât Lacrymæ liquorum omnium fugacissimæ, quibus, vt ait ille, nihil citius exarescit. Doctrinam meritò nuncupaueris bonam, quæ humanæ inconstantiam felicitatis compertam mortalibus facit. Faciunt Lacrymæ, quas plerumque vertentis fortunæ rota velut è puteo cordis in vultum extrahit, & ipsa fletus aquatica natura, quid aliud, quam instabilitatē aquę ingeneratam represētat? Quid ea doctrina præclariùs, qua monetur vnusquisque, vt se ipsum nouerit. Notitiam sui certissimam præbent Lacrymæ, in quibus paruis tanquam in speculis, si quis suæ fluxionem, & amaritudinem vitę non relegit, hūc nimius prosperitatis fulgor excecauit. Sed nemo vberiorē doctrinam à Lacrymis manare censuit, quam Heraclytus, qui quasi sapientiam nō tam legendo, quàm lugēdo addisci putaret, Lacrymis potius, quam paginis euoluendis intentus de quacumque re, vel auribus, vel oculis proposita egregiè se philosophatū esse arbitrabatur, si eidem copiosè fuisset illacrymatus. Hic verè Academicorū ritu in vtrāque partem disceptabat, quia scilicet vtrique fortune tristibus æque, ac letis successibus Lacrymas dabat. Lacrymis utebatur pro libris, quos verè

64
semper præ oculis habebat. In grauissimo Philosophiæ studio assiduè desudabat, sed pro sudore, è vultu Lacrymæ prorumpabant. Alij à naufragio ad Philosophiam se contulerunt, hic in perpetuo exundantium Lacrymarum quasi naufragio solitus erat quietissimè philosophari. Præceptorem audiuisse Philosophum nullū dicitur; Nec miror: Lacrymas quippè habuit optimæ Philosophiæ præceptrices: cognomento Scotinon, hoc esse tenebrosus est appellatus. Quidni perpetua pluuia, quæ ex ipsius oculis defluebat obscuritatem afferret? Eius scripta, aiebat Socrates, Delio Natatore indigere, ita sanè: Nandum erat in eius doctrina, quæ tota constabat ex Lacrymis. Fabulā primi hominis à Prometheo formati ex luto, non aqua, sed Lacrymis macerato verisimilem fecit Heraclytus; Lacrymis enim compactus esse debuit ille, cuius vniuersa vita non tam annis fluxit, quàm Lacrymis, qui horas numerare semper potuit ad suarum stillicidium Lacrymarum.

Verùm sapientes, & præclaræ doctrinæ magistras esse Lacrymas nō ita difficile fuerit suadere, cum ex humano vultu, tanquam è suggesto mortalium erudire vitam mortis documentis perpetuis videantur. Minus fortasse vera laus illa videbitur, quam tamen esse verissimam liquido demonstrabo, nimium Lacrymas, rem,
mol-

mollem, fluxam, imbecillam, ac prorsus imbellē, 240
violentas tamen esse, feroces, ac planē bellicosas.
Quis iracundiæ ardor hac aqua nō extinguitur?
Quod auctoritatis grauiissimæ pondus hac vnda
non submergitur? Cuius pectoris faxeam duri-
tiem hæc gutta non labefactat? Omnem humani
cordis arcem natura fecit dulci Lacrymarum
tormento penetrabilem. Minus ferit emissa ex
Aenea fistula ferrearum grando pilarum quam
euoluti, è mœstis oculis cadentium globuli La-
crymarum. Terrestre simul, ac maritimum
bellum Lacrymę importât. Nisi siccis oculis ho-
stis cadat, impetum vultus Lacrymâtis, & quasi
è mari pugnantis nō sustinebit. Si lēta obsidione
agendum sit, Lacrymæ sine strepitu fluentes in
orbem agglomerant sese, animumq. circumfidēt.
Si subita, & vehementi oppugnatione opus fue-
rit, præcipites effunduntur, vt in cor insiliant,
certam ab ipsa strage Victoriam reportaturæ.
Quid recenseam antiqua illa, & illustria victri-
cium Lacrymarum Trophea? Romanos, ac Sa-
binos scœminarum Lacrymis stabili pace in vnâ
gentem, & nomen permixtos; Amabilis illa cor-
dium mixtura, quo alio instrumento aptius fie-
ret, quam validissimo glutino Lacrymarū? Co-
riolanum vxoris, & matris fletu ex hoste in Ciuē
pia metamorphosi mutatum. Pietas Magia salu-
berrima eum maternis recoxit in Lacrymis.

Cleo-

248 Cleopatram nentem paterno Regno a Caesare
restitutam, pretium regni satis amplum obtulerat,
Lacrymas, cordium Margaritas. Trizum
Tyrannum, vt refert Elianus, conspiratione, ex
aspectu Lacrymantis Ciuis facta, à Populo truci-
datum. Gladijs præ Tyranni metu diu recon-
ditis, & rubiginosis, Lacrymę rubiginem abster-
ferunt, & ad cotem doloris exacuerunt.

Possem alias cōplures Lacrymarum victorias
in mediū afferre. Sed postrema orationis pars,
ac triumphus vltimus, huiusq; præstantissimus
ijs debetur Lacrymis, quas ab oculis non huma-
nus, sed Diuinus dolor atque amor educit. Hic
verò exordiēda laudatio rursus esset si vellem
totum cœlestium Lacrymarum fontem, aperi-
re. Vnum ergo tantum proponam specimen
triumphantium Lacrymarum, in quo tamen nu-
merare licebit plures palmas quam guttas, quot
Lacrymas, tot triumphos. Vocem meam non
cogitatio solum, sed plausus quoque vester iam
præuertit. Illam expectatis, vt nominem, illam,
inquam, fœminam ductu, quam nomine notio-
rem; illam sacrarum Lacrymarū idēam Magda-
lenam, mulierem, expugnato diuino corde ve-
rissimē thiumphalem. Armavit hac Heroina
sagacissima pietate dolorē suum, cumq; glorioso
bello præfecit Ducem. Centuriauit suspiria, or-
dinauit lamenta, pugnam gemitibus indixit, Ca-
pilla-